



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბურჩხა

ბურჩხა (*Echinochloa*), ერთწლოვან, იშვიათად მრავალწლოვან ბალახოვან მცენარეთა გვარი მარცვლოვანთა ოჯახისა. აქვს 20-120 სმ სიმაღლის შიშველი ღეროები და ფართო ხაზური, გრძელი, უენაკო, ხალთიანი ფოთლები. ყვავილები შეკრებილია კვერცხისებრი ფორმის, თითო ყვავილიან თავთუნებად, რ-ებიც თავის მხრივ ცალგვერდა საგველა ყვავილედს ქმნიან. ნაყოფი მარცვალია. საქართველოში ამ გვარის 4 სახეობაა ცნობილი; მათგან ორი (*E. spiralis* და *E. oryzicola*) ძალიან იშვიათად გვხვდება; *E. coarctata* მხოლოდ გარდაბანში იზრდება; ჰოლარქტიკული მცენარე *E. crus-galli* მთელ რესპუბლიკაშია გავრცელებული მთის შუა სართყლამდე. აბეზარი სარეველაა, განსაკუთრებით ბრინჯისა და სიმინდის ნათესებში მრავლდება, გვხვდება აგრეთვე ტენიან ყამირ მიწებზე. კარგია როგორც საძოვრად, ისე სათივედ. ნაყოფს შინაური ფრინველების საკენკად იყენებენ.

ლ.
ხინთიბიძე
